

Gvangjsih Minzczu Bau

广西民族报 aenhauh okbanj: CN45-0036 B.2021 Nd.6 Ng.9 liggaeuq sincouj nienz ndwenseiq ngeihgouj

Baihguenjbanh:
Gvangjsih Bouxcuengh Swcigih
Minzczu Cunghgyau Swvu
Veijyenzei
Biengauj okbanj:
Gvangjsih Minzczu Bause
Geizsoq: Gungh daih 3477 geiz
Geiz neix 8 banj

Siz Ginbingz Cungjsuhgi Hoiz Saenq Yienqmienx Vangz Vanjciuh Laebdaeb Fatok Gij Cozyung Daiqdaeuz Yisuzgyah Geq Daiq Gyoengq Bouxguh Hong Vwnzyi Cauhguh Hawj Beksingq Eu Fwen Hawj Seizdaih

习近平总书记回信勉励黄婉秋

继续发挥老艺术家的表率作用 带动更多的文艺工作者为人民创作为时代放歌

Cunghung Cunghyangh cungj-suhgi, guekgia cugsiz, Cunghyangh Ginhvej cugsiz Siz Ginbingz mboengneix hoiz saenq hawj boux yisuzgyah geq Vangz Vanjciuh, gvensim gienqmienx de. 6 nyied 3 hauh, Swcigih lingjdauj cienj gyau fung saenq Siz Ginbingz cungjsuhgi hawj Vangz Vanjciuh caemhcai bae yawjngonz gvanbaz Vangz Vanjciuh dem.

Siz Ginbingz youq ndaw saenq naeuz, denyingj 《Liuz Sanhcej》 mwngz yienj haenx bouxboux cungj-

rox, hawj haujlai bouxyawj roxyiuj le gij yinxdaeuz vwnzva “fwen Liuz Sanhcej”. Denyingj 《Liuz Sanhcej》 vihmaz baenz ginghdenj, aenvih de daj gij byaraemx gij ndwenngoenz beksingq daeuj, hab gij sienggyaez caeuq gyaepgouz caen sienh gyaeu gyoengqvunz.

Siz Ginbingz naeuz, depgyawj ndwenngoenz, caprag beksingq, aeu gij vwnzva Cunghvaz gak minzczu caezcaemh cau hguh haenx cienzswnj ndei, hwngfat ndei, dwg gij sawjmingh miznaj bouxguh Hong vwnzyi seizdaih

moq. Muengh mwngz laebdaeb fatok gij cozyung daiqdaeuz yisuzgyah geq, daiq gyoengq bouxguh Hong vwnzyi cau hguh hawj bekqsingq, eu fwen hawj seizdaih.

Mwh swcigih lingjdauj bae yawjngonz gvanbaz Vangz Vanjciuh naeuz, Siz Ginbingz cungjsuhgi cienmonz hoiz saenq hawj Vangz Vanjciuh dungzci, doiq guhndei Hong vwnzyi seizdaih moq daezok maqmuengh, cungfaen yienh’ok cungjsuhgi gig yawjnaek cienzswnj vwnzva minzczu, gvnsim gyoengq bouxguh Hong vwnzyi. Maq-

muengh Vangz Vanjciuh caeuq gyoengq bouxguh Hong vwnzyi daengx gih geiqmaenh gij vah Siz Ginbingz cungjsuhgi daengq haenx, laebdaeb aeu vwnzva “Liuz Sanhcej” cienzswnj ndei, aeu vwnzva Cunghvaz fatyengz ndei, hwngfat ndei, danqhaenh Guengjsae, danqhaenh guekcoj, danqhaenh beksingq, danqhaenh seizdaih moq, hawj daengx seiqgyaiq roxnaj gij vwnzva maenhndei Cunghvaz Minzczu, roxnaj Cungguek, doiq ndaej hwnj gij gvnsim gij gyaez cungjsuhgi.

(Cinz Yizcwz Vei Hwngz)



Ndaem Naz Gvaq “Muengzcungq”

农耕文化迎“芒种”

6 nyied 4 hauh, Yungzsuij Myauzczu Swciyen Liengzcai Yangh banh ciet vwnzva dajndae haexcid ndaem’ aeu gaj daihsei, vnzlai guh gij hozdung caeqbaiz naz, doxdax ndaem naz caeuq youq gyang nazraemx bengcag daengj ciepcoux “muengzcungq” daeuj daengz. Haexcid ndaem’ aeu dwg haex dangdieg mizmingz, saekhaux ndaem, heiq hom, yingzyangj lai.

(Lungz Dauh)

Guengjsae Bineix Ciusou 73 Boux Hagseng Guekgia Ok Cienz Dinghyiengq Bae Hag Guh Lauxsae Cuengh Gun Song Vah Saw 广西今年招收 73 名定向培养壮汉双语教师公费师范生

Bonjbauq siusik (gicej Cau Dwzfeih) 5 nyied 28 hauh, Swcigih Gyauyuzdingh, Swcigih Yinzliz Swh-yenz Sevei Baujcingdingh, Swcigih Caizcwngdingh caeuq Swcigih Benhban lienzhah fat le 《Gij D Nghcih Mizgven Guhndei Hong Ciusou Hag-Seng Guekgia Ok Cienz Dinghyiengq Son Guh Lauxsae Cuengh Gun Song Vah Saw 2021 Nienz》, 2021 nienz

Guengjsae yaek youq daengx gih ciusou 73 boux hagseng guekgia ok cienz dinghyiengq son guh lauxsae Cuengh Gun song vah saw siujyoz, gauhcungh bizyez bae doeg conghoh.

Ciuq cam rox, baez son’gyauq neix dwg Nanzningz Swhfan Dayoz, Guengjsae Minzczu Swhfan Yozyen rapdawz gij yinvu son’gyauq; gij hag-seng ciusou aeu dwg hagseng gauh-

cungh bizyez gyaez aendangj caeuq gij saehnieb gyauyuz beksingq, ndiep-gyaez hong gyauyuz, ndangcangq, rox gangj Vahcuengh (baugvat Vahcuengh bonjdieg), dwg vnz Guengjsae youq gih raeuz camgya 2021 nienz bujdungh gauhgauj dungigauj, gauhgauj faensoq daengz diuzsienq gauj ndaej hwnj gauhciz gauhconh Guengjsae 2021 nienz. Aen gunghanq dajveh

2021 nienz caeuq bi wng miz di mbouj doengz: It dwg gaxgonq aeu bae lajmbanj youq siujyoz roxnauz diemj-sonhag son Cuengh Gun song vah saw 8 bi doxhwnj, bineix gaj baenz 6 bi doxhwnj; ngeih dwg bineix yaek youq daengx gih hamj si, yienh(gih) ciusou hagseng, mbouj dan youq aen si, yienh(gih) dinghyiengq ciusou hagseng.